

La doturia Margarete Mahlkecht é demez dai 19 (lönesc) ai 23 (vëndres) d'otober y vëgn sostituida dal dotur Eduard Agreiter 0474 523 315 / 333 13 80 852

L'apoteca Pütia é stluta dai 18 ai 25 d'otober.

## PLOANIES SAN MARTIN Y LUNGIARÛ

En lönesc (19/10), dales 20.00, mêt man te calonia da San Martin la pröma de 4 incuntades sura le **vangele do S. Lûca**. I partezipanc dess se tó do na bibla y gní vigni iade.

Le Consëi dl'Unité Pastoral Val Badia inviëia la popolaziun da se lascé entusiasmé por la fede y gní ales incuntades dl'**Edema dla Fede** ince ti atri paisc – **PROGRAM:** Domënia: te vigni ploania gran mëssa por les families

Lönesc, 20.00: a S. Martin tl salf Istitut Ladin: mësa torona „La fede m'á daidé“

Dedolönesc, 20.00: a Badia Ciasa Runcher: I baiun dla fede cun le vësko Ivo Muser

Dedemesaled., 20.00: tla dlijia d'Al Plan: i salms cun siur Granruaz y Cor Kerygma

Jöbia, 20.00: tl salf dl paisc da Corvara: mësa torona „La fede m'á daidé“

Vëndres, 20.00: tl salf dl paisc a La Val: sêra cun don Rinaldo Ottone da Belluno

Sabeda, 9.30-11.30: tla scora mesana da La Ila: incuntada por i mituns

Sabeda, 15.00-17.00 a San Ciascian, Lungiarü y La Pli: n domisdé cun la Bibla (da se prenoté ia por l'edema 347 52 77 810)

Domënia, 17.30: prozesciun cun ciandëres sô Oies y mëssa de contlujiun

**La Caritas côi indô adöm patüc vere**, mo ciamó da adoré, nêt, zënza flec, sût y nia scarzé:guant, cialzá ciolá adöm a per, tasces, blanciaría de ciasa (cutres, linzos, cisces, tovaies y cultrines), mo nia borduns, tapec, cialzá dai schi. I sac é da dé jô cina la sabeda, ai 7 de novëmber, dales 7.00 dadoman. Por dejciarié spo y ciarié sô i sac sôn de gragn camions tla plaza de Pradel vëgnel perié valgügn ëi da gní a daidé

**Padre Giuseppe s'acompagnëia a La Ila** söl tru de nosta fede le vëndres ai 23 d'otober 2015 dales 14.00-18.00 cun mëssa y la sabeda dales 09.00-12.00 y dales 14.00-17.00. Info y iscriziuns pro Ingrid 331 85 65 697.

## SAN MARTIN

En domënia, ai 25 d'otober, vënn i jogh da San Martin **ciandëres por Gniissant** do la gran mëssa tl salf di stödafüch. Präibel tolede chësta ocajiun ch'i ves pitun.

## LUNGIARÛ

I jogh da Lungiarü vënn **ciandëres por Gniissant** en sabeda ai 24/10 do mëssa y domënia ai 25/10 do mëssa tl salf dl paisc. Ci che vëgn trat it vá a fin de bëgn.

La **Unión di Seniors** inviëia i seniors en sabeda, ai 24 d'otober, dales 19.00 sô Vantsch a na griliada. Le cost é de 18 euro plü le bëre. Prenotesse cina en mercui (21/10) pro Annelies 0474 590 067 da misdé.

Le referat cun Gregorio Rungger **“Le bot al ce – ictus”**, organisé dal Raiun Sozial y dala Ciasa de Palsa **è gnü sposté** al dedolönesc, 3 de novëmber, dales 18.00, tla Ciasa de Palsa. Düc è bel inviá.

**Presentaziun dl liber** Stories de vita de Luis Zagler traslaté tl ladin da Genny Ploner, en vëndres ai 23 d'otober dales 18.00 tl salf dl Istitut Ladin a San Martin. Düc è inviá.

**Gran batadü tl Museum de Tor** en domënia ai 25/10, metü a jí adöm cun la Unión di Stödafüch. Dales 13.30 inant iscriziuns y spo estraziun di grups. An pó ince se scrí ite denant 339 76 85 970 (vigni de domisdé). Dales 14.00 mêt spo man le batadü. An pó ince ciamó ti ciaré ala mostra dla pröma gran vera 1914-1918 I Ladins cunta súa storia.



www.valbadiaonline.com

# Plata dles Ploanies San Martin y Lungiarü



www.unitepastorala.org

siur **Iaco Ploner** 333 48 32 765 / 0474 453 003 - [ploner.jakob@aruba.it](mailto:ploner.jakob@aruba.it)  
redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523 194

**18.10.- 25.10.2015 nr. 47**

termo da publiché: jöbia 20.00

radio: 90,40 / 93,70

## 29ª DOMËNIA IA POR L'ANN B

*Vangele: Merch 10,35-45*

Iaco y Jan ti â dit a Gejú:

Lâscesse sentè te to règn

un a man dërta

y l'ater a man ciampa dlungia tè....

Canche i atri diesc discepui â aldì chësc,

s'âi dessenè cun Iaco y Jan.

Dailò i à Gejú cherdè ca y à dit:

I savëis che chi,

che vëgn aratà regnané, sotmèt i popui,

y che i potënc adora mal súa potënza sura la jënt.

Pro os ne déssera nia ester insciö,

mo chël, che ô ester gran pro os, dess ester osc sorvidù,

y chël, che ô ester le pröm, dess ester le stlâf de düc.

*Indô na parora tl vangele ch'an alda ingert: „sorví“. Al vëgn bëgn baié de sorvisc, sciöche dl sorvisc dla sanité, dl'istruziun, dl'aministraziun publica y i.i.*

*Mo le „sorví“ instës chël á na saú da stlâf che tröc ne n'ó nia aldí, plü ion dijon bëgn „service“, sciöche chël sonass cotan miú.*

*I ne mëssi nia tres rodé incër i atri ia y damané demeztrú, de ci ch'ai á debojëgn, i po ince porvé da sintí i sentimënc di atri, y plü ch'i conësci sù sentimënc, y plü ch'i mëti man da capí la vita.*

*Sc'an sá coch'ara ti vá a d'atri, por ejëmpl, ch'ai á massa püch da mangé, spo mëton man ince instësc da s'acontenté cun demanco.*

*An ne mëss nia ester sentá sôn tronns dlungia Chël Bel Dî,*

*al basta savëi che Chël Bel Dî m'ó bun. Y chël impari tl'umilté dl sorví.*

*Al n'é degun sorvisc che ne vëgn nia retü da Chël Bel Dî. Vigni sorvisc ch'i ti feji a d'atri - ince datrai ingert - vëgn derevers sciöche val' che m'alegrëia la vita, te n ater tēmp, te dōta n'atra valūta - mo al vëgn derevers. Insciö é Idí, insciö é so règn, so monn, che é dōt atramēnter amesa nosc monn ite. M.B.*



|                                                                                                                                                       | SAN MARTIN                                                                                                                                                                                                                                            |                                   | LUNGIARÜ                                                                                                                                                                                                                                  |
|-------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------|-----------------------------------|-------------------------------------------------------------------------------------------------------------------------------------------------------------------------------------------------------------------------------------------|
| <b>18.10.15</b><br><b>29<sup>a</sup> Domènia ia por l'ann B</b><br><b>Domènia dla Dlijia Mondiala</b><br><b>Segra de Düc</b><br><i>Lüca vangelist</i> | <b>9.00 Corona por la defunta Frida Prada</b><br><b>9.30 Gran Mëssa por les families</b><br><i>Oferta por les Misciuns</i><br><b>AL MËT MAN L'EDEMA DLA FEDE</b>                                                                                      | <b>18.10.15</b><br><b>Domènia</b> | <b>7.55 Corona</b><br><b>8.15 Gran Mëssa por i Maridá Iubilaris</b><br><i>Oferta por les Misciuns</i><br><b>14.00 Bato de Fabian Sorà</b><br><b>15.00 Corona tla capela de S. Ujöp Freinademetz</b>                                       |
| 19.10.15<br><b>Lönesc</b><br><i>Paul dla Crusc, Isach</i>                                                                                             | <b>20.00 Cërtil dla Bibla te calonia da San Martin</b><br><b>20.00 Mësa torona sura la fede tl Istitut Ladin</b>                                                                                                                                      | 19.10.15<br><b>Lönesc</b>         | <b>20.00 Cërtil dla Bibla te calonia da San Martin</b><br><b>20.00 Mësa torona sura la fede tl Istitut Ladin</b>                                                                                                                          |
| 20.10.15<br><b>Dedolönesc</b><br><i>Wendelin, Vitalis</i>                                                                                             | <b>15.30 Mëssa a Bioch</b><br>en onú de santa Tarejia de Lisieux<br>por i benefaturs dla capela<br>dl ann + Maria Pedevilla                                                                                                                           | 20.10.15<br><b>Mertesc</b>        |                                                                                                                                                                                                                                           |
| 21.10.15<br><b>Dedemesaledema</b><br><i>Ursula y Compagnes</i>                                                                                        | <b>15.30 Mëssa sö Ju</b><br>dl ann + Cristina Conrater<br><b>19.30 Corona d'otober</b>                                                                                                                                                                | 21.10.15<br><b>Mercui</b>         | <b>7.50 Mëssa</b><br>+ + + Florian, Anna y suor Floriana Clara<br>+ + + Pire, Gabriele y Linda                                                                                                                                            |
| 22.10.15<br><b>Jöbia</b><br><i>Jan Paul II, Cordula</i>                                                                                               | <b>7.30 Mëssa</b><br>+ Ugo Zingerle (dl ann)<br>+ + Burchia<br><b>Corona por vocaziuns</b>                                                                                                                                                            | 22.10.15<br><b>Jöbia</b>          |                                                                                                                                                                                                                                           |
| 23.10.15<br><b>Vëndres</b><br><i>Jan da Capestrano, Severin</i>                                                                                       | <b>19.00 Adoraziun chîta</b><br><b>19.30 Corona d'otober</b>                                                                                                                                                                                          | 23.10.15<br><b>Vëndres</b>        | <b>7.30 Mëssa</b><br>familia Giovanni Castlunger, Ties<br>+ Carlo Deiaco<br>+ Ida Verginer                                                                                                                                                |
| 24.10.15<br><b>Sabeda</b><br><i>Antone Maria Claret, Martin</i>                                                                                       | <b>15.30 Mëssa tla Ciasa de Palsa</b><br><b>18.30 Mëssa prefestia</b><br>3 <sup>a</sup> de sopoltöra de Frida Prada<br>dl ann + Angel Moling<br>+ Corrado Castlunger                                                                                  | 24.10.15<br><b>Sabeda</b>         | <b>20.00 Mëssa prefestia</b><br>familia Manfred y Silvia Chiusura (de rengraziamënt)<br>familia Gebhard Moling (de rengraziamënt)<br>dl ann + Maria Pescollderungg<br>+ + Iustina y Germano Moling                                        |
| <b>25.10.15</b><br><b>30<sup>a</sup> Domènia ia por l'ann B</b>                                                                                       | <b>9.00 Corona</b><br><b>9.30 Gran Mëssa dla comunité</b><br><b>11.00 Bato de Tobia Tavella, Giulia Graffonara y Benno Sorà</b><br><b>17.30 Prozesciun cun ciandëres da S. Linert</b><br>sö Oies y dailó Mëssa de contlujun<br>por dotes les ploanies | <b>25.10.15</b><br><b>Domènia</b> | <b>7.55 Corona</b><br><b>8.15 Gran Mëssa dla comunité</b><br><b>15.00 Corona tla capela de S. Ujöp Freinademetz</b><br><b>17.30 Prozesciun cun ciandëres da S. Linert</b><br>sö Oies y dailó Mëssa de contlujun<br>por dotes les ploanies |